

2017 yil 28 noyabr Matbuot markazida «O‘zqurilishmateriallari» jamiyati tomonidan o‘tkaziladigan matbuot anjumani

Press-reлиз

2017 yilning 28 noyabr kuni O‘zbekiston milliy matbuot markazida “Mahalliy xomashyodan qurilish materillari ishlab chiqarishni kengaytirish borasida belgilangan choratadbirlar samaradorligini oshirish muammolari: tajriba va amaliyot” mavzusida matbuot anjumani o‘tkazildi.

Unda “O‘zqurilishmateriallari” aksiyadorlik jamiyati tarkibiga kiruvchi yirik zavod va korxona rahbarlari, jamiyat a’zolari va OAV vakillari ishtirot etdi.

Tadbirda “O‘zqurilishmateriallari” aksiyadorlik jamiyati va boshqalar tomonida davlatimiz rahbarining aholini sifatli qurilish materillari bilan ta’minalash, tarmoq korxonalarini modernizatsiyalash orqali import hajmini kamaytirib, eksportbop mahsulotlar ishlab chiqarish hajmini kengaytirish, ishlab chiqarish quvvatlarini ishga tushirish orqali yangi ish o‘rinlarini yaratish borasida berilgan topshiriqlar soha rivojida muhim omil bo‘layotgani ta’kidlandi.

Qayd etilganidek, «O‘zqurilishmateriallari» jamiyati tomonidan joriy yilning o‘tgan 9 oyida jami 2 trln. 433 mlrd so‘mlik sanoat mahsulotlari ishlab chiqarilib, o‘sish 2016 yilning mos davriga nisbatan 107,3 foizga yetkazilib, belgilangan prognoz ko‘rsatkichi bajarildi.

Hisobot davrida 219 mlrd so‘mlik iste’mol tovarlari ishlab chiqarilib, 2016 yilning 9 oyiga nisbatan 109,6 foiz o‘sishga erishildi. Ushbu davrda, 5 mln. 913 ming tonna sement (o‘sish sur’ati 101,3%), 9 mln. 745 ming kv.m qurilish oynasi (100,2%), 2 mln. 88 ming kvadrat metr keramik plitkalar (2,3 marta), 55,9 ming tonna quruq aralashmalar (108,4%), 101,6 ming tonna shifer (105,6%), 59,6 ming tonna gips (108,5%), 45,1 mln.dona devorbop materiallar (112,4%) va shu kabi boshqa turdag'i qurilish materiallari ishlab chiqarildi.

Mahalliylashtirish dasturi doirasida 40,4 mlrd.so‘mlik 10 turdag'i yangi mahsulotlar ishlab chiqarildi va reja 152,9 foizga bajarildi (o‘sish 2016 yilning 9 oyiga nisbatan 2,3 marta oshgan).

2017 yil Investitsiya dasturi (23.12.2016y. PQ-2697) doirasida 13 ta loyihalarga 52,7 mln.dollarlik investitsiya mablag‘lari jalb etilib, belgilangan reja (51,9 mln.doll.) 101,5 foizga bajarildi.

Ishlab chiqarishni modernizatsiya qilish va diversifikatsiyalash dasturi doirasida 3 ta loyihalar bo‘yicha 13,7 mln.dollarlik mablag‘lar o‘zlashtirilib, belgilangan reja bajarildi.

Shuningdek, 2016-2020 yillarda qurilish industriyasini yanada rivojlantirish dasturidagi (28.09.2016y. PQ-2615) 23 ta loyihalarga 63,4 mln. dollarlik investitsiya jalb etildi va 10 tasi ishga tushirildi

Joriy yilning o‘tgan davrida jamiyat tarkibidagi 6 ta yirik sanoat korxonalarida qiymati 6,7 mln.dollarlik 21 ta uskuna va jihozlar yangisiga almashtirildi va belgilangan reja 110,5 foizga bajarildi.

Natijada 16,3 mln.kub.m tabiiy gaz va 15,0 mln.kV.suat elektr energiyasi iqtisod qilindi. Shuningdek, mahsulotlar tannarxi 8,1 foizga yoki 79,4 mlrd.so‘mga pasaytirildi.

Joriy yilning 9 oyida jamiyat tarkibidagi 30 ta korxonalarda xalqaro sifat menejmenti tizimi joriy qilindi va ularning soni 68 taga yetkazildi.

2017 yilda yangi ish o‘rinlarini tashkil etish va aholi bandligini ta’minlash davlat dasturi doirasida jamiyat tarkibidagi korxonalarda jami 704 ta yangi ish o‘rinlari yaratilib, belgilangan davr prognozi 106,3 foizga bajarildi. Jumladan, tarmoqni rivojlantirish dasturidagi loyihalarni ishga tushirilishi hisobiga 644 ta va kasanachilik sohasida 60 ta yangi ish o‘rinlari tashkil etildi.

O‘zbekiston Respublikasi Prezidentining hududlarga qilgan tashriflari davomida sohani rivojlantirish bo‘yicha berilgan topshiriq va qo‘yilgan vazifalar asosida qurilish materiallari ishlab chiqarish loyihalarining manzilli ro‘yxatlari shakllantirilib, tizimli ravishda moliyalashtirish va ishga tushirish amalga oshirilmoqda.

Xususan, 2017 yilning yanvar-sentyabr oylarida umumiyligi qiymati 1 trln. 133 mlrd.so‘mlik 1481 ta loyiha ishga tushirilib, 15,9 mingdan ortiq yangi ish o‘rinlari yaratildi. Mazkur loyihalarni moliyalashtirishga tashabbuskorlar hisobidan 519 mlrd.so‘m, bank kreditlari hisobidan 467 mlrd.so‘m va horijiy investorlar hisobidan 34,8 mln.dollar yo‘naltirildi.

Jumladan, **Xarakatlar strategiyasi dasturiga** ko‘ra mahalliy xom-ashyolar asosida eksportbop va import o‘rnini bosuvchi qurilish materiallari ishlab chiqarish bo‘yicha 29 ta yirik loyihani amalga oshirish belgilab olinib, tarmoq jadvallari ishlab chiqilgan. Bugungi kunda, 510 mlrd. so‘mlik 24 ta loyiha ishga tushirilib 1,1 mingta yangi ish o‘rinlari yaratildi.

Xususan, Samarkand shahrida “Praym keramiks” qo‘shma korxonasida yiliga 2,7 mln. kvadrat metr keramik plitka, “Angren” erkin iqtisodiy zonasida “Nayshinl Keramiks” korxonasida 4,5 mln. kvadrat metr keromagranit, “Navoiy” erkin iqtisodiy zonasida “Greyn Layn Profil” korxonasida 3,5 ming tonna alyumin profillari ishlab chiqarish loyihalarini misol qilib ko‘rsatish mumkin.

Bundan tashqari, respublikamizning sanoat korxonalariga va yangi ish o‘rinlariga talab yuqori bo‘lgan 9 ta tuman va shaharlarida qo‘shimcha 16 ta loyihani amalga oshirish va 300 ga yaqin yangi ish o‘rinlarini tashkil etish bo‘yicha ham ro‘yxat shakllantirildi.

Shuningdek, xududiy dasturlarga asosan Jarqo‘rg‘on, Qorao‘zak va Qo‘rg‘ontepa tumanlarida yuqori markali sement, Termiz shahri va Sirdaryo tumanlarida qamish va g‘o‘zapoya asosida DSP, Nurota, O‘rtachirchiq tumanlarida va Qo‘qon shaxrida granit va marmar toshlardan zamонавиқ qurilish materiallari, Forish tumanida bazalt armaturasi kabi qurilish materiallari ishlab chiqarish loyihalarini ishga tushirish bo‘yicha ishlar amalga oshirilmoqda.

Joriy yil yakuni bo‘yicha: 3,1 trln.so‘mlik sanoat mahsulotlari ishlab chiqariladi va o‘sish sur’ati 107,4 foizga yetkaziladi;

prognoz bo‘yicha 107,2 mln.dollarlik mahsulotlar eksport qilinishi belgilangan bo‘lib amalda 112,0 mln.doll. kutilmoqda. Eksportyor korxonalarning soni 42 tadan 50 taga, eksport mahsulotlarining turi esa 40 tadan 45 taga yetkaziladi, jami 8 ta davlatga, shundan Qozog‘iston, Turkmaniston, Tojikiston, Ukraina, Qирг‘изистон, Afg‘онистон, Latviya, Rossiya kabi davlatlarda dillerlik tarmoqlari va savdo uylarini tashkil etish orqali eksport hajmi ko‘paytiriladi;

mahalliylashtirish dasturi doirasida 10 ta loyihalarni amalga oshirish hisobiga 63,7 mlrd.so‘mlik mahsulotlar ishlab chiqarish ta’minlanadi;

2017 yilgi Investitsiya dasturi bo‘yicha umumiyligi qiymati 72,4 mln. dollarlik 13 ta loyiha amalga oshiriladi;

2016 yil 28 sentyabrdagi PQ-2615-son qaror bilan tasdiqlangan Dastur doirasida umumiyligi 133,5 mln dollar bo‘lgan jami 23 ta investitsion loyihalarni amalga oshirish ta’minlanadi;

respublika hududlarini kompleks rivojlantirish bo‘yicha shakllantirilgan Dastur loyihasiga ko‘ra 2017 yil yakunigacha 2153 ta loyihalarini amalga oshirishga 3,2 trln.so‘m mablag‘lar yo‘naltiriladi;

mahsulotlarning ichki va tashqi bozorlarda raqobatbardoshligini ta’minlash maqsadida xalqaro sifat menedjmenti tizimi joriy etiladigan korxonalar soni 38 tadan 70 taga (32 taga oshiriladi);

tarmoqni modernizatsiyalashga qaratilgan O‘zbekiston Respublikasi Prezidentining 2016 yil 22 dekabrdagi PQ-2692-son qarori doirasida 51 ta jismoniy va ma’naviy eskirgan uskunalar (9,0 mln dollar) zamonaviy va energiya tejamkor uskunalarga almashtiriladi va shuning natijasida ishlab chiqarish xarajatlari 8,1 foizga yoki 105 mlrd.so‘mga kamaytiriladi.

Loyihalarni amalga oshirilishi natijasida sohada jami 32 mingtadan ortiq yangi ish o‘rirlari tashkil etilishi kutilmoqda.

Matbuot anjumanida jurnalistlar o‘zlarini qiziqtirgan savollarga javob oladilar.